

Oqaluuserisassanut nassuiaat.

(Inatsisartut Siulittaasuut)

Ilaqutariinnermut Peqqissutsimullu Ataatsimiititaliaq immikkoortoq 91-p aappassaaneerneqarnissaata kinguartinneqarnissaannik qinnuteqarpoq.

Immikkoortoq 91: Utoqqalinermi siusinaartumillu pensionisiat allanik isertitaqarnerit nassatarisaannik annikillineqartarunnaarnissaasa kinguneqaataannik pillugit Naalackersuisut kingusinnerpaamik UPA2021-mi nassuiaammik saqqummiussinissaannik peqquneqarnissaat pillugu Inatsisartuni aalajangiiffigisassatut siunnersuut.

Siunnersuut ulloq 7. november aappassaaneerneqassaaq.

Siunnersuuteqartup immikkoortoq 159 tunuartippaa.

Immikkoortoq 159: Sumiginnaanerit annikillisarniarlugit, innuttaasut peqqissusiat qaffassarniarlugu innuttaasullu akiitsoqalertarnerat annikillisinniarlugu, pisortanit ikiorsiissutinik atugarissaarnissamullu pisortanit pisartakkanik allanik pisartagallit, pisartakkatik imigassanik, aanngajaarniutinik, pinnguaatinut atornerluinernullu allanut atornagit, annerusumik aningaasartuutitut ataavartunut, soorlu ineqarnermut, kiassarnermut imermullu, paaqqinnittarfinnut, meeqqanut akilersuutitut, akileraarutitut tapissanut nerisassanullu atuisalernissaannut sakkortusisamik qanoq suliniuteqarsinnaanersugut apeqquteqaat aallaavigalugu oqallinnissamik siunnersuut.

Immikkoortoq oqaluuserisassanit peerneqarpoq.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap immikkoortoq 154-ip aappassaaneerneqarnissaata pingajussaaneerneqarnissaatalu kinguartinneqarnissaat qinnutigaa.

Immikkoortoq 154: Uunga siunnersuut: Ilinniartut ineqarfii pillugit Namminersorlutik Oqartussat inatsisaat nr. xx, xx. xxx 2019-imeersoq.

Immikkoortoq ulloq 13. november aappassaaneerneqassaaq aammalu ulloq 18. november pingajussaaneerneqassalluni.

Siunnersuuteqartup immikkoortoq 52 tunuartippaa.

Immikkoortoq 52:

Pisortat suliffeqarfiutaasa ingerlatseqatigiiffiit tamakkiisumik ilaannakoortumilluunniit Namminersorlutik Oqartussanit pigineqartut sorliit namminersortunngorsarneqarsinnaanerat pillugu misissuineq tunngavigalugu nassuiaammik saqqummiusseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuineq kingusinnerpaamik UPA2020-mi Inatsisartunut saqqummiunneqassaaq.

Immikkoortoq oqaluuserisassanit peerneqarpoq.

Ilaasortat uku akornanni taasisarnerit pillugit isumaqatigiissuteqartoqarpoq:

Hans Enoksen, Parti Naleraq aamma Nivi Olsen, Demokraatit.

Doris Jensen Jakobsen, Siumut aamma Aqqa Samuelsen, Inuit Ataqatigiit.

Vivian Motzfeldt, Siumut aamma Mikivsuk Thomassen, Inuit Ataqatigiit.